

十餘州有源氏一將軍以不猛之威發其號令尺土無不獻其方物者一民無不歸其幕下者是故東西諸侯莫不有朝覲之禮我今雖去麀府之任每歲使親族之在左右者行以致其聘禮況家久爲國之宗主豈不述年年之職乎貴國亦致聘禮於我將軍者豈復在人之後哉先是我以此事告於三司官者數矣未聞有其聘禮是亦非三司官懈於內者乎今歲不聘明年亦懈者欲不危而可得乎哉且復貴國之地鄰于中華中華與日本不通商船者三十餘年于今矣我將軍憂之之餘欲使家久與貴國相談而年年來商船於貴國而大明與日本商賈通貨財之有無若然則匪翅富於吾邦貴國亦人其富潤屋而民亦歌於市扞於野豈復非太平之象哉我將軍之志在茲矣是故家久使小官二人告之於三司官三司官不可將軍若有問之則家久可如之何哉是我夙夜念茲而不措者也古者善計國計家者雖大事小者有隨時之宜而爲之者況復小之事大者豈爲之背於理哉其存焉與其亡焉其在國君之舉而已伏乞圖之

○按ズルニ此書狀ハ慶長十一年九月島津家久琉球王ノ來聘ヲ促ス爲ニ遣ス所ナリ

〔南聘紀考〕慶長十四年二月公○島津家久及貫明公松齡公相與廻策於帷幄中定律令十三章乃使樺山權左衛門尉久高爲大將○中略總計三千餘人艤艦百餘艘導七島楫師小松吉兵衛等二十四人往討琉球

〔南浦文集下〕討琉球詩并序

薩隅之南二百餘里有一島名曰琉球使小島之在四方者并吞爲一而爲之會長矣予聞之黃耆曰昔者日本人王五十六代清和天王之孫其名曰六孫王本朝源家之曩祖也八世孫義朝公令弟爲朝公爲鎮西將軍之日掛千鈞強弩於扶桑而其威武偃寒垣草木是故遠航於海征伐島嶼於斯時也舟隨潮流求一島於海中以故始名流求矣爲朝見巢居穴處於島上者頗雖似人之形而戴一角於右髮上所謂鬼怪者乎爲朝征伐之後有其孫子世爲島之主君固築石壘家於其上因効鬼怪之